

FAKTOR

- **Magazin** ▼

- Zanimljivosti
- Moda i Ljepota
- Zdravlje
- Život
- Showbiz

- **Kolumne**

- **Galerije** ▼

- Foto
- Video

[Naslovna](#) > [Vijesti](#) > [Kultura](#)

17:34 / 27.11.16

27

Orkestar Mitteleuropa održao sjajan koncert u Sarajevu

Orkestar Mitteleuropa iz Udina sinoć je gostovao u punoj dvorani Narodnog pozorišta u Sarajevu. Koncert je organizovan kao rezultat kontinuirane saradnje između Sarajevske filharmonije i Mitteleuropa orkestra, pod dirigentskom palicom maestra Giovannija Pacora, koji je ujedno i muzički direktor ovog sastava, a uz veliki doprinos solista Maura Maur (truba) i Francoise de Clossey (klavir).





Orkestar i solisti su sarajevskoj publici ponudili veličanstven muzički program italijanskih čuvenih kompozitora Nino Rota, Ennio Morricone i Piero Piccioni.

- Sva energija sarajevske publike je osjetna na bini. Drago mi je što opet gostujem u ovom gradu i ovom teatru - rekla je Ingrid Shllaku, prva violina Mitteleuropa sastava.

Koncert u Sarajevu je za orkestar također i dio turneje, a već danas će priliku da ih poslušaju imati građani Herceg Novog u Crnoj Gori. Koncert u Narodnom pozorištu Sarajevo organizovan je uz značajan doprinos Sarajevske filharmonije.

- Za nas je čast što je ovaj koncert dio Mjeseca italijanske kulture u BiH (MIK16) i što saradujemo sa renomiranim orkestrom kakav je Mitteleurope. Naša saradnja rezultirala je koncertom Sarajevske filharmonije 24. novembra u Palmanovi, gdje smo predstavili djela domaćih autora uz nastup soliste Lovre Pogorelića - poručio je v.d. direktora Sarajevske filharmonije Samir Lokvančić.

Lokvančić je najavio još tri velika koncerta u izvedbi Sarajevske filharmonije do kraja godine, a to su tradicionalni Božićni i tradicionalni novogodišnji koncert, kao i premijera bh. opere "Zmaj od Bosne" 15. decembra,

Koncert Mitteleuropa orkestra, koji dolazi iz regije Friuli Venezia Giulia, bio je drugi put gost u Narodnom pozorištu Sarajevo, u okviru programa Mjeseca italijanske kulture u BiH, koji se tradicionalno održava četvrti put uz podršku Italijanske ambasade u BiH.

Tagovi: [orkestar koncert narodno pozoriste sarajevo](#) Izvor: [Faktor](#)

<http://www.faktor.ba/vijest/orkestar-mitteleuropa-odrao-sjajan-koncert-u-sarajevu-224494#3>